

天使想回家

相传有一所神秘的流动图书馆隐藏于民间裏面都会有一位守护天使，因为天使是在天堂忘记自己的责任，收到天神惩罚贬下凡间，他的职责是提醒每一位借书者要有责任感，不要忘记归还图书。只要他履行了一百万次的追收，他就能离开图书馆返回天堂。

今天守护天使「低低 D」将面对最后一次任务，一个由少宠爱有加，一出入总有人服侍兼患上特級公主病的独生宝贝「高菲」，她给家人宠成一副爱理不理、钱来伸手、饭来开口的公主性格。高菲偶然底下在天神图书馆借了一本「少年 Yi 的飘流日记」，今天就是最后限期，守护天使「低低 D」接获历来最棘手的任务，他用尽千方百计提醒高菲，可惜最终发现菲忘却书本遗失在哪里。低低 D 迫于无奈现身，与飞展开一场别开生面的寻书旅程。

期间发现菲的性格皆从照顾她的爷爷嬷嬷所学习，菲能否藉今次旅程有所领悟呢？天使低低 D 能否完成任务重返天堂呢？剧中的其他人物将有「得过且过嬷嬷」、「求求其其爷爷」、「事不关己同学仔」、「理横折曲爱美丽」、「诸事八卦莎利」，将会穿梭其中带来无限笑声，亲情友情的抉择，一切一切尽在「天使想回家」！

角色人物

- 1.高菲
- 2.图书馆管理员
- 3.天使低低 D
- 4.天使低低 B
- 5.嬷嬷
- 6.爷爷
- 7.爱美丽
8. Mary
- 9.花婶婶
- 10.莎利
- 11.猩猩
- 12.小红帽
- 13.小飞侠

天使想回家

14.小王子

15.白雪公主

16.老虎

17.天神

18. 张同学

19. 方同学

天使想回家

序幕 回家天使

S1 L1 开灯 (灯渐亮，看见一个衣着整齐的图书馆管理员，他正以机械式的动作不断盖着印，台上放置书枱及书架上放着图书)

管：(揭开一迭厚重的档案) 九十九万九千九百九十九次，咦？仲有一次咋喎！天使得得 D，你喺边吖？(左右两边望，从另一边懒洋洋的步入) 天使低低 D，你喺边吖？

D：我喺度！

管：唏？乜解救你行路无声架？吓到人咁個心到離一離？

D：天使不黠都系殊一声出现，殊一声唔见架啦！我殊咗喺度好耐！管理员先生请问你搵我咩事呢？

管：哼！讲番正经嘢先，你知道你本身存在任务系乜？仲记得嘛？

D：就系天神派嚟提醒每位借书人还书嘅责任，只要我追回一百万次欠还图书就可以……。

管：就可以返回天堂，你仲记唔记得因乜事会被委派做追书人？

D：(兴奋地) 咁即系我仲争几多次先返得呢？

管：(举起一只手) 一次，吖，咪咁兴奋住，因为呢次任务，并唔系普通嘅任务……。

D：有几难吖？有一次有个路借咗书然后去厕所跟手跌咗本书落马桶，个细路谗住赔钱了事，可惜我哋呢间并唔系普通嘅图书馆，我哋系一间印有「天」字嘍头嘅图书馆。

(随手拎起一本书)

管：我知你跟住每晚都喺个细路嘅梦度出现，令到个细路发恶梦，最后惊到走去污水渠度搵，最终搵番本书，虽然有啲臭，但总算还返本书。

D：系呢？而家本书喺边呀？

管：你手啰！(指向 D，D 将书抛向管) 等等，今次借书唔还嘅系……虾虾霸霸，食尽东南亚嘅

……。

D：高~菲~！**L2 熄灯**(灯暗，灯再亮，高菲从台另一边入)

高：边个叫我？**S2** (灯暗，音乐继续，众屋企人帮手换景)

天使想回家

第一场 娇生惯养 籠中物

L3 开灯 (台上一个家庭布置，台左一张梳化，右边一张餐台，高站在台上姿势与之前一样。但嫲、爷、工人 Mary 围着高)

高：边个叫我？

嫲：乖孙，呢度好高，跌落黎撞亲个脑就惨嘞！

高：点解？

嫲：你咁聪明，跌傻点算？

高：系嘞，真系好危险嘞！（正想下来）但系头先边个叫我？（再企起身）

嫲：喂，亚爷吖，过嚟帮手啦！

爷：乖孙，头先都无人叫你！

高：有吖，我话有就有啦！（踏着枱发脾气）

嫲：亚爷，你快啲谗办法啦？

爷：吖……吖……Mary，你头先叫小姐做乜？

M：我？爷爷，我有叫嘞！

爷：求其啦，我话有就有啦！

M：哦，系嘅爷爷！小姐，头先……系我叫你架！

高：我都话有人叫我嫁啦！

嫲：咁你落返来先讲啦。（高从枱上跳下）

高：吖！Mary，你叫我也事吖？

M：吖～吖，有封信吖，有封信俾你！（从身上拿出信）

高：（打开信）等我睇下，本图书馆特意致函给你，你借阅之图书，已经过了限期，请尽快归还图书。图书？我几时借架？有咩？（此时得得 D“殊”一声出现，高刚巧撕烂信件）我谗佢咁梗系搞错咗。

嫲：乖孙你就咁撕烂封信点得架，实际你有冇借过本书吖？

高：我连本书叫乜名都唔记得，你仲问我有冇借过？ **L4 闪灯**

D：估唔到，真系咁棘手，连书名都唔记得？（D 在 Mary 身前一伸手仙法展开）

M：小姐吖，呢度写住个书名叫「少年 Yi 的奇幻漂流」。（从台上拾起一张小如指头的碎纸）

高：哦！（D 看高像记起来）乜我有借过本咁嘅书咩？点解我唔记得嘅？

爷：唔紧要啦，求其睇书架度拎本去还咪得嘢。（一派当然的张开身上的报纸行近梳化坐下）

天使想回家

嫲：(拿起身穿的拖鞋一掷而飞同爷)你成世人都系咁求求其其，乖孙，你唔好听佢讲，Mary 弊小姐搵下本书喺边？

M：係嘅嫲嫲！(M 飞快地在梳化、枱等位置搜寻)

嫲：乖孙，唔紧要架，一定喺屋企架，搵下就有架勒！

M：嫲嫲，冇！

嫲：乜得你咁快架？你搵咗乖孙房未？

M：你剩系叫我搵，都冇叫我入小姐间房搵。

嫲：吖！你个 Mary 真系唔叫唔做，叫先至做架啲！

M：我而家即刻再搵过！（飞快入台，再出）

D：呢个乜嘢屋企嚟架，咁古怪架！

M：冇吖，嫲嫲！

高：点算吖，嫲嫲，今次死梗嘞！（发脾气）

嫲：乖孙，唔好发脾气先，亚爷，你快啲过嚟帮手啦！

爷：求其带佢落街买份玩具，佢就冇事架嘞。（高立时停下）

嫲：咁都好，止咗佢啲脾气先，本书唔迟都迟咗，唔争果一日半日啦。

D：有冇搞错吖？本书唔见咗，只系搵两下，一个求求其，一个得过且过，一个唔叫唔做，最恐怖嘅系呢个恃宠生娇嘅口妹，我一定要教训下你先得。L5 闪灯 S3(预备教训高之际，一声雷响，管理员出，众人停下)

管：低低 D，你系唔你唔记得你今次嘅任务呢？一次，你争一次就能够返天堂架嘞！屋企冇，咁你谗下会喺边？

D：学校。

管：仲有提你天使系唔可以……。

D：随便现身咩嘛！（管飞快离场，众人皆不和发生何事）

嫲：好喇，乖孙，我哋而家同你落街买玩具。

高：好呀，多谢，嫲嫲！（正当二人离场之际，电话响起）S4 喂，边个啊？（场外音入）

爱：高菲，系我呀！

高：爱美丽？搵我咩事呀？

爱：喂，你之前话睇完本书跟着借俾我架啲，咁你睇完未啊？

高：(细声地)嫲嫲，原来我话过借本书俾同学，本书可能喺佢度。喂，爱美丽，本书我咪借咗俾你啰，你唔记得咩？

爱：系咩？唔系呢？边有吖？上次你喺班房仲拎住，边有借俾我吖？

高：系咩？我最后喺班房拎住咩？本书系喺你度架啦，你好快啲还返俾我吖？

天使想回家

爱：喂，你唔好乱讲嗰？

高：唔好讲咁多，不如三口六面讲清楚佢！

爱：哼！高菲，你够胆出嚟，我够胆见你，学校大门见。

高：麻麻，我谗我应该系借咗本书俾同学仔。

嫲：咁就好啰，乖孙咁你要快啲追下个同学仔喇！

高：麻麻，我而家去搵同学仔还番本书，至于买玩具就……迟啲先啦，你话我系唔系好乖啊！

爷：乖，最乖，爷爷俾一百蚊你，一阵请同学仔食嘢，唔该佢比返本书你。

高：多谢，爷爷，我走啦。(离场)

D：哼。(跟着离场)

嫲：好彩搵到本书啫，如果唔系佢有排发脾气就烦啦！

爷：都叫咗你唔好宠坏个孙嚟啦。

嫲：你冇份嘅。

M：(正在擦电话发短讯，正想离场)

嫲：Mary，你去边吖？

M：你冇嘢叫我做，我谗住返房啰！

嫲：边个话冇嘢吖，同我洗晒个厨房佢！

M：下？哦！(背向面露不忿)

嫲、爷：真系唔讲唔做架啲！

嫲：伯爷公，几时都同你最啱 Key！

爷：伯爷婆，我都系咁话。L6 熄灯 S5(灯暗，音乐入，布景转换成学校大门，看见途人穿梭，正中间站着一个人满面愤怒的爱美丽，他正双拳紧紧握着)

(转景:学校大门)

天使想回家

第二場 一遇困难 变成虫

L7 开灯(音乐渐细，看见高从台左步入)

高：喂，爱美丽讲真本书系唔系喺你呢度啫？(嬉皮笑脸)

爱：(大叫)高～菲！(菲掩耳停下)你系唔系有事呀？我咪系电话话咗俾你听我系问你睇完本书未，叫你睇完借俾我睇，而唔系代表你已经借咗～比～我啊！

高：明、明、明，我谗住求其问下你有冇本书啫，如果有我咪唔驶搵嘍！

爱：哼！我一心谗住你借咗本书，如果睇完就借俾我，咁我就唔使麻鬼烦走去图书馆借，咁咪可以善用资源嘍！点不知你就以为系我度咁，即系你唔见咗本书啦，咁我同你倾落去都冇意思啦，系咁先无谓浪费大家时间。(正欲离开，高开始焦急起来，并开始扮哭)

高：今次死紧啦！呜、呜、呜……。(此时 D 步入)

爱：(停下)喂，高飞，你幾多歲啊？郁啲就流马尿。

D：唉！系你先信佢架咋，啲戏咁渣，如果唔系要完成任务，我实揭穿你。

高：我嬷嬷话如果我搵唔返本书，就唔俾我返屋企吖！呜、呜、呜……。(不断偷看爱的反应)

爱：下？咁惨！我有乜可以帮到你啊？(D 向爱面上拍了一下手后像施了魔法，跟着摇头站在侧边)

高：有咩！

爱：乜啲眼泪收得咁快嘅？

高：嗚、嗚、嗚…，你咪话过见过本书最后一面嘅？

爱：系呀，系班房嘍，你唔系想依家入去拎吖？

高：咁你又话帮我？算勒，你由得我啦，我实无～家～可～归～啦！

爱：(左望右望)好啦，呢个时候趁学校差唔多无人，我哋静静鸡入去啦！(大聲地)

高：你真系肯帮我？

爱：喂，家下我哋要拎番啲属于自己嘅嘢系好正常、同好恰当架，行啦！

高：系啲，真系好有道理啲！(跟着爱走进校园)

D：如果唔系因为要追书，我一定会教训佢哋两个，一个讲大话，一个讲理横析曲。S6 L8

熄灯(尾随二人跟着布景转换音乐人)

(不搬景)

天使想回家

第三场 天一半地一半

L9 开台左灯 (灯光渐亮, 看见舞台转换成课室, 台中放着以枱檯砌成的班房, 爱、高鬼鬼祟祟从台后步出)

爱: 估唔到入夜之后, 学校咁鬼静。

高: 你可唔可以唔好讲鬼吓。

爱: 唏, 怕乜鬼啫, 男仔之家, 咁细胆!

高: 讲咁多做乜嘢, 快啲搵下见唔见本书先。(在台四围寻找, 但找不到, 此时听到一声咳嗽声)

花: 咳, 唔(二人惊慌走到一旁, 花及 D 一同入, D 一直站在花身旁, 二人声、动作同步)你哋……………!

爱: 花婶婶, 我哋其实想……………!

婶、D: 想搵呢本嘢吓嘛。(递上一本书, 高见状上前打开)

高: 系啦, 系呢本少年 Yi 的奇幻漂流, 好嘢, 搵返嘞! 点解本书的一半架?

爱、D、花: 一半?

D: 点解会得一半架? 喂, 点解本书得返一半架?

花: 喂, 点解本书得返一半架?

高: 花婶婶, 我鬼知咩? 本书你比我嘅?

花、D: 你讲乜嘢话? **L10 闪灯 S7**(恐怖音乐入)我咁辛苦用尽方法帮你搵本书, 你而家将责任赖喺我身上?(D 一手从花手上抢去书, 高、爱二人因看不见 D, 眼中只看见书停在半空)

D: 咦? 原来系咁!(三人望实 D 走去那, 他们就望向那, D 突然停下) Hi!(三人呆望, D 向左走, 三人同往左走) Hi, 你哋冇理由见到我架? Hi!(三人大叫, D 亦俾吓了一跳, 三人退到一旁)

爱: 你……你……系, 边个吓?

花: 天主吓, 我知道我平时好少搵你倾计, 但系我以后会多啲祈祷架嘞!(双手合拾)

高: 你~唔会~系……。 (D 乱走, 三人惊讶)

D: 点解会咁架? 今次弊啦, 死啦, 死梗嘞! 比啲人类见到我, 等等, 唔好自乱阵脚, 停!(三人停顿, D 左望右望像寻找甚么) Hello? Hello? 图书馆管理员, 你喺唔喺度啊? 冇人应即件事未穿啦! 唔好理咁多, 完成任务先算。(将书拿去高手上) 宇宙全息影象发动! **L11 闪灯+球灯 S8**(一下子重拍音乐入, 全班同学从台左右步入跟着拍子跳动, 慢慢地众人彷彿回到过去, 重演事件一次, 众停下)

张: 喂, 一阵放学去边玩?

天使想回家

爱：不如一齐去公园玩「捉伊人」啊？

高：(边睇书边回应)「捉伊人」边好玩架？不如返屋企打机好过啦。

莎：高菲，睇乜睇到咁入神呀？

高：诸事八卦莎利，关你乜事啫？

莎：咩啫？(一手舍去书)拎嚟睇吓啦，少年 Yi 的奇幻漂流？呢排好 hit 架啫。

爱：咦？呢本好嘢啫，我喺公共图书馆借极都借唔到吖，你喺边度借架？

高：近山边果间嘢，俾返本书嚟！

莎：新开架？点解好似未见过嘅？

张：你真系好多事架，谗下一阵去边玩好过啦？

爱：高菲，不如你睇完借俾我吖？

莎：爱美丽，唔该你知唔知乜嘢叫规举，我开声先架，你要睇就排第二嘢！(递上书)

爱：咩吖？你讲咩吖？(伸手一扯，二人互执一角)我借先架！

莎：我借先架！(二人互不相让)

高：你哋唔好争啦，俾返本书我啦！

张：(冷淡地)其实有乜好争呢？本书最后咪一样要还，而且你哋要借都应该问图书馆啦，而唔系高菲吖，蠢人！(二人此时应声倒下，书就此一分为二，二人错愕)

爱：好嘢，一拍两散！

莎：一人一半，好公平吖！哼！

爱：你睇下自己果半先啦！

莎：做咩吖？

爱：你果半系书尾嚟架！乜有人睇书，由尾睇起架咩？呵、呵、呵！

莎：咁又点知啫，唔得咩？乜有人睇书会睇头唔睇尾架咩？呵、呵、呵！(拿着半本书离场)

爱：激死我喇！

高：请问我可唔可以讲句嘢吖？

爱：乜吖？

高：本书其实系我借，请问可唔可以俾返我呢？

爱：好叻咩？俾返你咪俾返你嘢！(将书抛向高转身离场)

张：我估计第三次世界大战嘅开始应该都系咁样！

高：即系点？

张：人争我争嘢，喂，唔好讲咁多一阵放学去边玩好呢？L12 闪灯+球灯 S9(D 看完一切，冲出台中，伸开双手，音乐响起，众人随节奏重回复到之前一样，台上的花、爱、高站在原位)

天使想回家

高：你～唔～会系……。

D：系，我就系你嘅～守护天使！

众：守护天使？唔系化？

D：你哋唔信？好，我试俾你睇，停！（指着高）你睇吓佢唔郁得嘞！（高停下）

高：咪玩啦，你叫停真系会停咩？你呢招我够识啦！停！郁！停！郁！（与爱配合着）

D：冇理由架？点解我啲法力会无晒嘅？ L13 闪（声效入，管从台另一边入，众人停下）

管：理由系你身份暴露咗，你嘅法力会随时间渐次失灵。

D：下？咁会唔会变番做人？

管：你唯一自救嘅方法，喺尽快搵返本书。

D：我呢度有一半，收住一半先得唔得呀？

管：你估我喺高利贷咩，收一半！快啲争取时间啦。（转身欲走）咩！唔记得话你知，本书一分为二，咁你知道会发生乜事啦！（管离场）

D：今次真系大件事喇！（蹲下哭，此时花、高、爱慢慢步近）

花：唔好理咁多嘢嘞，不如……。

众：走为上着！（转身离开，但D起身，并伸出手向着他们，众人立时走不动）

D：你哋意为走就可以解决一切咩？你哋今次犯咗一个好严重嘅错喇，你哋知唔知喺「天神图书馆」借书唔还系要惩罚架，仲要破坏公物就罪加一等。

高：最多咪赔嘢！（面带不屑）

D：你知唔知罚乜先？

爱：罚乜咁巴闭咩？

D：罚借书人要变成一只雀仔，每日飞去冇还书嘅人身边提佢还书，即至果啲人还到书为止！

爱：变雀仔几得意㗎，我一定会变只靚雀仔嘢！

D：哼！最弊今次系唔同，因为本书一分为二，而且你都系破坏者，所以你都有份，今次唔会变雀仔，系会变成蚊滋仔！

三：蚊滋仔？

花：下？唔系用咬人吸血嚟提醒人还书啊？

高：咁咪有机会俾人打死，打死完又变番蚊滋仔，跟住又俾人打死，跟住又变成蚊滋仔……。爱：我唔想变成蚊滋仔咩！ S10（此时传来虎吼声，众人愕然）

高：乜嘢声嚟架？

花：好似老虎叫声。

爱：冇端端，学校点会有老虎㗎？

天使想回家

D：(紧张起来)高菲，你话我听本书里面系唔系有老虎吖？

高：好似……好似……系吖仲有猩猩、班马……。

爱：你唔系话我听佢走咗出嚟吖嘛？

D：总之我哋而家要做嘅系尽快搵返另一半书，因为本书一分为二里面嘅人物就会偷走出来。你地知唔知莎利住喺边？我哋要尽快捉番故事书里面嘅人番去。

爱：我知，我带你哋去！（转身走，高跟着走，D亦跟着。花有些犹疑，D拖着花离场，灯暗，紧张音乐入）S11 followed by S12 L14 熄灯

(莎莉景)

天使想回家

第四場 少年 Yi 的奇幻漂流

(音乐渐细，灯渐亮，此时只看见 D 气喘地从台右冲入)

L15 开灯 S12(跟着追，音乐变奏，此时看见莎坐在书桌前，撕着一页一页的书在折纸飞机，门铃声入，莎走出，高冲入)

高：莎利，你……可唔可以……俾番本書我吓？

莎：高菲，你搵得我咁急就去为咗本书咋，本书咪喺嗰度嘍！（指向枱，高伸手拿）

高：好彩搵得返啫！

莎：驶唔驶咁紧张啊？(将手中的纸飞机抛出)

高：讲比你听到唔信架嘞！咦？点解本书好似薄咗咁多嘅？(望见纸飞机)唔通……！

莎：唔驶唔通喇，冇错，我无聊咪用佢嚟折纸飞机嘍，不过你放心我用咗几张啫。

高：唔系吓，本书喺图书馆借架，点可以整烂架？

莎：唔整到整咗，最多咪赔？(高发现地上大量纸飞机)

高：你话用咗几张，好似唔止嘍！

莎：真系几张咋，其他我系用自己借番返嚟嘅书架！

高：(摇头)冇冇搞错啊，你咁唔负责任架。

莎：嗱！你又好我好多咩？你咪又系借书唔还果只！

高：你……你，等等，我想问你，你本书系唔系喺……。 **S13** (此时一声虎吼声入)

莎：究竟发生乜事吓？(神情紧张)

高：唔好理咁多，你快啲执番啲纸飞机，我哋要尽快还番本书。

莎：我本都要？

高：係吓！ **L16 熄灯 S13 followed by S14** (二人飞快执拾，此时传来一声虎吼声，跟着二人赶快离场，紧张音乐入，布景转换成图书馆，众人四出躲避，班追花、爱追 Yi、D 追着腥、跟着着小红帽追白雪公主、泰山追小飞侠、小王子追逐高、莎，最后众人汇聚在图书馆，忽然老虎在众人之中出现音乐停)

(Push back all the settings)

天使想回家

第五場 知错能改

L17 开灯+球灯(一众角色看见我老虎站在台中，其余的分站两边)

D：大家都系到咁嘛？

爱：点解咁多人唔识嘅？

莎：乜嘢唔识啫，一望就知啦。

小：小红帽。

飞：小飞侠。

王：小王子。

白：我系公主，仲要系好白果只啦。

爱：白雪公主？

泰：哦~哦，我系泰山！

D：呢啲人物边度走出嚟架？

莎：我果本童话故事集嘍！

B：(从另一边入)咪又系唔记得还书果只嘍！

众：你边位吖？

B：天使低低B！

D：亚B，你又系嚟追书吖？

B：系，不过冇谗过会咁恶劣！

虎：吼！你哋系唔系当我冇到先？哼！我就将你哋食晒落肚啦！

白：等等，其实我哋驶乜惊，泰山系森林之王吖嘛！（众人推了泰出去）

泰：吓……吓，哦~哦~！

虎：你叫嚟做乜啊？

泰：我平时叫啲动物就会好乖咁坐低嘍！

虎：你系咪傻架，我同你都唔系同一本书嘅！吼！（泰逃回人群）

飞：等我嚟对付你啦，等我飞上天先。(试飞不成功)

虎：(整理指甲中)

飞：点解唔得嘅？

D：因为你依家唔系喺童话世界。

花：咁而家点算啊？

王：不如咁老虎大哥，你食咗我啦，但系你要放过其他人啫！

虎：哼！我做乜要听你讲啊，我全部都要食，首先我想食……你！（指向莎）

天使想回家

莎：点解要我先吖？

虎：唔知啲，是旦拣啰！

莎：下？我唔好食架，你食佢啦，你睇佢肥尸大只，好多肉，好好味！（一手将爱推向虎）

爱：莎利，做乜啊？我哋同学嚟架！

莎：系咩？我唔觉啰！

高：莎利，有冇搞错吖，件事因我而起嘅，要食？食我先啦！（护着爱）

虎：边个先都无所谓一样啫！**L18 闪 S15**（一扑以上，高将手握的书举高挡着，众人停下，神圣音乐入，一个面容慈祥的天神出现，管跟着入，除了B、D可移动，其他人停顿）

天：哈、哈、哈！

B、D：天神，你好！

管：到最后呢个高飞都学识为自己做过嘅事负责任！

天：哈、哈、哈！

B：天神嘅意思系亚D嘅任务已经完成？

D：真嘅？

天：哈、哈、哈！**L19 黑灯**（天神手一拍，全台灯暗，众故事人物不见，只剩下高、爱、花、莎）**L20 开灯**

管：（悠闲地将书揭开，刚刚所看见的人物也回到书中，并合上它）得得D，今次嘅任务总算完成嘞！

D：Yes！

天：哈、哈、哈！

D：下？都仲争啲？

管：喂！对住天神唔好咁冇规矩！

花：原来呢位就系天神，唔知……可唔可以俾几个愿望来洗下呢？

天：哈、哈、哈！

花：即系乜吖？点解净系识下‘哈’架咋？

B：天神嘅意思系你咁贪心，信唔信佢将你变成只猪！

花：噢，Sorry，Sorry！

天：哈、哈、哈！

管：高菲，经过今次你明白咗，做件事系要负责任嘅，希望你日后能够好好咁做一个负责任嘅人！（菲点头）

天：哈、哈、哈！

B：天神，我想……问我今次嘅任务当成功定失败呢？

天使想回家

天：哈、哈、哈！（愤怒）

管：梗系失败啦！莎利，估唔到你竟然会做出啲咁嘅事。我而家要罚你变成一只～蚊！

L21 黑灯 S16(手一挥，特效入，众人呆)

高：(细声)真系会变蚊架，第时我都唔敢唔还书嘞！

天：哈、哈、哈！

D：我卒之完成我第一百万个任务嘞，我可以返天堂啦！L22 闪 S17(圣诗音乐入，灯暗，音乐渐细，众人离场，高慢慢步入至台中，手执一本书)L23 闪.>>>> 黑灯 S18

高：经过今次之后我唔敢做事，求求其其。

爷：唔使做咁足架，求求其……。(掩口)

高：我仲叫爷爷都唔好咁，至于做嬷嬷同 Mary 呢？

嬷：Mary，呢度点解咁污糟嘅，帮我抹过佢。

M：嬷嬷，对唔住我再抹过，我一阵会洗埋厕所，同帮你冲埋凉架嘞！

嬷：下？唔係化？(M 傻笑，音乐入)

高：爱美丽亦都改变咗好多，佢唔再理横析曲，因为佢开始钟意睇书。S19 (爱发现一只蚊围着她，她正想拍死蚊)唔好吖！

爱：(拍下)哎，好彩拍唔到。

众：ByeBye! (离场，音乐停下，静，跟着听见蚊飞的声音，莎利以蚊的造型出)

S20 (谢幕)

全剧完